

聖鑑国師行状

合 1
269

019512-000-1

111-269

聖鑑国師行状

祖秀/校

M28.7

ABG-0240



111
269

館書圖京東				
二	二 六 九		一 一 一	
冊	號	架	函	類門

聖鑑國師行狀

共二

大名古屋松屋平兵衛藏版書目

觀音和歌	孝行和歌	齊河原和歌	私法秘密之圖	十六善神密之法	惠心僧都法話	白隱安心はこりた	同註	同夜話	同轉法	祝日大祭日唱歌	入正月	改正月	指物問答	色圖問答	日小本	改五小	改五小	速家語	農家語	小學普通書	生理小學		
一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	
五月改正月	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學	小學
小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門	小修身入門
三冊	八冊	四冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊	二冊
愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答	愛知縣地理問答
多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土	多知富土
五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊	五冊

序

無文聖鑑國師史

後醍醐天皇之白皇子入吉注

社流修弘禪流創開深真

山方廣禪刹其銘錄一日雁




相國派管長獨園禪師序

丙丁災其法孫令也欲再上梓
可謂勤矣而聖鑑掛在於天地際
在此一舉乃書之充緒言

明正二十七年六月

萬年退耕菴主獨園識




因龍主席得之卷末訪未如音
光呈示 奧少并祖安禪師行
狀云 師曾在子晉史高髮受
神考勳德系教之為免入大元嗣
法於 古梅禪師以有夙緣是
雲顯杜涉情古情切不乃因辭曉一
晚應其所需多

王子步何如法王寧祥一
道事遊方仰少分得梅老龜
震旦杖案一拂香

中申中元日

見建仁崇徽謹題



方廣開山無文元選禪師行狀

遠孫 祖秀 校訂

師諱元選字無文 後醍醐帝之皇子

方南

紀傳云師

後醍醐帝第十一皇子今考

後醍醐

帝皇子誕生之年紀師誕生在第十

五第

六之間為十一皇子者蓋

史記

不_レ拘誕生之次第記之耶


所_レ誕

者或曰昭慶門院所_レ誕今按昭慶門院

院見于增鏡

稱川端女 在孕之時妃潛出鳳闕元

亨三年癸亥誕師於洛西之梅津既而棄
之於洛之第五橋有一士人以無繼嗣常



祈求于於清水寺圓通大士一夕夢或人纏兒於錦袍授之寤而異之凌晨與婦詣清水寺歸路聞孩兒之啼于橋邊舉而視之龍章鳳質殆非常兒此知大士之感授而喜抱歸家帝後詔有司索之士人

雖知其為皇子而不敢告師久而岐嶷不事嬉戲性好跌坐不與羣兒伍七歲乳媪死師悲戀不輟人問其故答曰死者人世之常也何足以哀而渠受女身未修一善

而長逝矣是實可憐愍聞者駭嘆焉八歲入山寺讀內外書天資穎敏不由師訓世以神童稱洎稍長有出塵之志父母將奪其志師確乎不移曆應二年八月十六日

後醍醐帝崩南朝延元四年諸記翌歲庚

辰師十八歲就父母請遂素志父母言我

自懇祈大士得汝日望長成欲以託我家

今胡為孤劬勞之恩耶師曰我雖夙世良

因偶受人身而福報已盡沈溺永劫無有

出期矣使我出家行道上报四恩下資三

有則豈可與世孝順者同日而語乎哉於

是父母感其悃誠忻然許之師即日適建

仁普光菴拜明覺禪師建仁十八世祖諱宗鑑字明憲嗣法

大覺之塔明憲和尚文保二年七月二十

禪師脫髮鬚髮稟具隸籍建仁親炙然可翁

塔字非隨從梅雪村嗣寧朝參暮請專究這

事加博聞強記一時儕輩無出其右者康

永二年師二十一歲奮志欲入元出洛徑

赴策之博多時晦無隱嗣中權聖福寺師

參之咨詢南遊之事隱委悉指示辭同元

通等乘船浮洋經數月而抵溫州元至正

三年也一超考正行狀云元至正五年偶逢

一士人譯語相通款話移日辭往金陵參

訢笑隱于龍翔寺隱六十有餘作八十一者非也

四年隱六臥于病牀佐掖謂之示以生死

事大同七年春往建寧府延寶傳燈錄等作福州者誤也

大覺妙智敎寺山號高仰參見古梅禪師

講正友教，賜紫衣師號。初八號，湛然至，還問後加號。佛日廣智見于建州弘釋錄。

答數轉，即許歸堂。顯參密請朝，銀夕鍊一且豁然。大事了畢，遂受印記，并大戒。夏了起，單到仰山。謁有子，有命歸侍司。及其辭職，請偈。有示之云：航海梯山來，選佛忘餐廢寢。貴明心，六塵不惡。心無住，消得人間萬兩金。元選侍者遠來，山中華萼爲道命之侍。香能處寮舍，職滿求偈書。二十八字爲時中警策。又見欲南堂長千巖琦楚石等，所至皆稱飽參。楚石贈偈云：一切現成無欠少，箇中誰了誰。不了文殊特地選，圓通不覺全身入。荒艸集雲峯，下四藤杖重如山。嶽輕鴻毛未知那箇識，痛痒直得地動天。華飄放過小釋迦，收下大禪佛阿師跨海長鯨侍者摩霄俊鷲目。連鷺子何足云，東土西天敢輕忽。師爲諸老器，重如此。過廬山開先寺賦詩曰：參差喬木藏樓閣，烟霧忽開山色清。瀑落高巖翻雪浪，風生

遠嶽起松聲，雲間唳鶴驚。僧定霜外啼猿
動，客情此去再來知。幾日題詩青竹獨空
行，訪廬山隱者。詩曰：秋風杖錫翩翩至，瀟
灑幽居過客稀。溪巷艸荒疎雨冷，孤村日
落亂雲飛。一雙鬢髮帶霜老，萬里鄉關入
夢歸。我亦平生丘壑志，特來此地扣巖扉。
寄鄉友詩曰：旅館風寒不著眠，清泉一夜
自涓涓。疎鐘始動霜橫壁，長笛頻吹月滿
天。好景題詩憐艸木，書筵把筆掃雲烟。十

年同作他鄉客，遙語關山道路懸。師留元
凡八年，歷瞻聖蹟名藍遊天台，方廣寺拜
應真於石橋，往德山禮祖塔，石霜道吾浙

江補陀跋涉殆遍，至正十年

扶桑禪林僧
寶傳作至正

十六年

有維桑之情，先是大拙能公

嗣法
千巖

元長亦入元，與師爲同參。於是師將理歸楫

以能公猶留于漢土，眷戀告別。師與鄉友

義南菩薩

雲州人入元嗣法中峯和尚元
順宗皇帝欽南智德賜菩薩號

故世云

碧巖璨首座

關東人入元參千巖
元長首衆于伏龍山

同船解纜於明州數月到于博多時觀應
元年庚寅師二十八歲一作超考正行狀三
作觀應二年非

師俱寓于石城山際公先歸關東故山師

送行偈云秋風忽起怯單衣千里故人歌

式微我獨淹留歸未得空勞魂夢到庭闈

南菩薩機鋒孤峻而本邦禪徒登其門者

未嘗不點額而還師獨同社越年者因有

莫逆好也明年春歸京師冬赴相陽與中

巖月公嗣法東陽德輝訪古先禪師諱印元而謁

左武衛見于中巖再歸京師卜居於西山

巖倉扁曰歸休檀越欲施巨莊使師住建

仁普光菴蓋以師有得度之舊緣也師曰

吾天性孤貧智德俱闕寧將此身投熾然

猛火終不據大方之席謁豪貴之門甘休

林壑可與艸木同腐耳辭而不就菴居自

適一日登龍門亭嗟峨天龍寺十境之賦

詩日皇都城外西山寺白馬青袍爛熳遊

華底題詩逐胡蝶沙頭酌酒散羣鷗落花

吹雪東風急瀑布穿雲江水流聞說先王
駐玉輦從官列道祝千秋宿法輪寺賦詩

日淡沈蘭若西山下樓閣重重結構牢平
野星低侵露冷前峯月上挾霜高一江流

水自愁色萬嶽松風亦海濤禮誦聲長天
欲曉滿溪雲氣濕方袍師聲華日播學徒

競至師厭之而一錫出西山造濃之武義
縛茅又號歸休有偈云邪師說法數如麻

般若靈根正敗芽祖道安危非我事柴門
溪掩送生涯逾年再歸西山舊隱有偈云

杖錫飄飄歸舊山松杉寂寂避塵寰滿庭
黃葉無人掃唯有閒雲自往還又歸濃之

歸休故舊道友從而師之雨笠煙包來而
參之師厭雜還遁來參之廣澤菴加茂郡高橋莊

而居焉未幾禪侶蟬集士庶靡然嚮化一
日赴同郡衣鄉今舉母鄉雲林寺尼天關和尚

天關尼和尚嗣法東禪寺大陽義冲禪師十三年忌之請拈香
云園林花盡風光別世上榮枯最苦心翊

蝶戀香春寂寂杜鵑啼血綠陰陰此香生
天地之先出萬物之表絕榮枯離名相觸
之者燎卻本來面目嗅之者打失娘生鼻
孔直得三世諸佛歷代祖師接物利生以
至盡虛空遍法界森羅萬象情與無情靡
有不稟渠資薰之力今日伏值前住雲林
天關和尚一十三年之辰信手拈來爇向
爐中聊伸眞法供養恭惟慧日門中大陽
子瀉山山下老牯牛天資成就丈夫事住

山氣象古爲儔後昆及今弔其跡仰慕道
聲萬古流我儂何幸臨此會不勝讚揚泪
先浮其餘廣澤小佛事等法語不遑殫記

焉遠江國奧山有是榮居士者

藤原氏名朝藤稱與

山六郎次郎其先出於井伊祖備中守其保之裔世襲封與山

慕師道望

來而請問大事師應機啓發居士執弟子
之禮勤渠師性好閒靜居士約之雖以奧
山岑寂以世屬艱虞未暇往請至德元年
甲子春師六十二歲捨廣澤菴自訪居士

於奧山居士欣然迎接款待益至師伴居
 士登衣晞山欲插一莖而為真修之場臨
 視姥懷山以為數峯環峙叢樹鬱鬱兩澗
 流清靈水灑灑雖台嶽方廣之勝槩不多
 讓此嘉遁之地也遂構一宇山號溪奧寺
 稱方廣一起考正行狀云師應安四年入
 奧山者非也今據岐陽秀禪師應
 永二十六年方廣
 寺法寶輪藏記未幾雲水輻湊不下五
 千指闔國咸服道化締構日興宗規漸盛
 遂為鬱然一方之叢林然艸廬茅堂不事

浮華澗飲蔬食逸相警策師謂徒曰馬祖
 百丈法幢盛時亦但如是今時兄弟工夫
 不絕是不足及古可憂而已又云大凡出家
 兒離俗士欲截斷生死根源打破諸祖重
 關正好緊把本參話頭猛著精彩一氣拍
 盲起大疑情參究去將悟為則是我平昔
 信解之一端而不用頻行棒喝批判古今
 昧自己心訓勵吾徒不是過也耳適值匡
 性禪尼七年忌拈香云江湖歲暮春將至

雪裏梅花漏玉肌，追憶昔年今日別無端。
引起一場悲，日本國泉州路人事。某今月
念二日伏值先妣巨性禪尼七周之忌辰，
爲追薦冥福，就于方廣精舍營辦供佛齋
僧之儀。尋命山野焚一瓣寶香，奉獻三寶，
勝位仰冀幽靈承諸佛提挈，證清淨妙果，
永脫三從障，直登九品臺者也。老僧因見
孝誠之志，嘉歎久之，仍歌一連古賦聊表
薦悼之意。嗚呼！父母形生大本也，順色承
顏孝道切，一別蹉跎經七周。萱堂夜夜空
餘月，劬勞罔極，何以酬不堪惆悵，淚欲咽。
臨江尋魚苦，敲冰入林泣。筭頻掃雪年年，
此日一爐香上天下界，普薰徹。又往濃之
椿洞創了義寺，號瑞椿山一日開小池於山下，
傍構虛碧亭，以爲止靜所。戲書壁間云：幽
居自是境緣淨，夏木排窻帶雨濃。柯葉四
時曾不改，歲寒心有磻。邊松繩誓禪定門，
三十三年忌拈香云：雨晴郊外翠光濃，松

奏琴聲萬竅風眼底江山般若體幽禽啼
斷白雲中日本國濃州路城田莊居住菩
薩戒弟子某今日伏值先考繩誓禪定門
三十三回之辰爲追薦冥福謹發誠心就
于了義禪院營備供佛齋僧之儀其孝行
之志可以感天地鬼神也仍命山野焚一
辦寶香供養三世十方微塵刹土中諸聖
賢衆所鳩勝利專冀先君尊靈無邊煩惱
海徹底乾枯無量智慧萃廓然開發與一

切有情同證妙果者伏以幻妄境內假立
生死之名真如界中元無聖凡之情五蓋
十纏般若體六趣四生涅槃城恁麼荷負
去非獨報親德可以度羣生夫謂之世出
世間過量丈夫名遂功成補香一爐沈水
聊表信天上人間薰氣橫師旣倦應接又
歸方廣嘉慶元年二月十五日是榮居士
卒號方廣寺殿華師秉炬云猛烈大丈夫
氣鋒誰得爭手把吹毛劍不戰屈人兵意

氣貫虹蜺作略驚羣生所以給孤園裏榮

佛性之妙華不二室內發自己之光明起

云大衆高著眼看等閒擲下金剛焰生

死魔軍自竄伏吉祥瑞慶集大成同二年

戊辰二月十五日丁遠州榛原郡大聖谷

山開山奇峯玄和尚三十二年忌奇峯玄和尚嗣

平田龍峯和尚龍峯嗣佛地禪師佛地嗣圓覺開山佛光國師其嗣平田

寺良相道峯和尚預來奧山請師師雖辭以

老病而懇請益力師不獲已而赴其請江

湖英靈拜趨輪下諸山碩德畢至法筵實

一時之盛會也陞座法語見于本錄師往

來百里之間無貴無賤咸出路傍瞻禮膜

拜入如堵墻矣康應元年八月二十日正當

前建長廣圓明鑑禪師十三年忌諱祖能字大拙

師以有舊盟自捨衣資設齋會於奧山修

拈香佛事其法語云萬里浮杯過大方功

成名遂照扶桑楚山吳水同遊歷今日相

逢愁一場此香普天蓋不及大地載不起

昭昭顯於羣象之前，不有不無，朗朗出於諸塵之表，難模難捺，放去非離，拈來非即。覲面無差，誤擬心州裏，鞦今日伏，值前建長大拙，大和尚一十三回之辰，爇向爐中，聊伸真法供養，恭惟無明真子，幻住的孫，竒言雄辯，神號鬼哭，真機妙用，電激雷奔，宏開向上爐鞴，鍛鍊羣生本源，三提住山，鋤斧再得扶起宗門，這箇是平生自受用底，三昧如何，是末後光明巨福峯頭震法。

雷其道其德，塞乾坤，又古梅和尚贊云：稽首大和尚，聲價遠響天，般若老古錘，真子再來小釋迦，正傳於已行，持如水玉，爲他作略破蓋纏，眼底空卻一世界，方寸包裹盡三千，不肖遺弟一模脫，又令家醜揚外邊，夫師之行已終身，專毘尼尤謹細，行廉節而守身，恭謹而讓人，常行悲敬，二田或與疥癩沐浴，鬚髮或捨衣鉢，救窮乏其性寬裕而容衆，仁慈而愛人，雖兒童走卒不

加色呵斥之諭導誘掖諄諄如而至於拈
 鎚拂匡徒領衆凜乎不可犯矣有台密性
 相之徒來而詰難則直以我門不傳之妙
 答之咸敬服而去參州三明寺實飯郡宇
豐川淨
 賀神垂迹之地而世為名藍元曆兵燹之
 後地屬蒼莽者有年師偶過此地感其泯
 滅駐錫營興堂宇傍建塔婆三級革教作禪
 院而以奉香火其塔今尚存焉駿州府寶
 泰寺亦師挿莖之地也師之道化之及物

也椎河之龍一日化婦人參師脫醜報與
 嶠之嶽神為師護法幢其餘異績奇功不
 遑具紀康應元年冬師示微疾於奧山陞
 座說法不異尋常翌歲季春病革一日遺
 誠門人畢書偈云平生顛倒今日即當未
 後一句雪上加霜又生如出岫雲死似行
 空月一念認性相萬劫繫驢橛擲筆而寂
 春秋六十八法臘五十一實康應二年庚
 午閏三月二十二日也闔國緇素如喪考

姚嗣法之徒十有餘人授戒弟子若干人
稟承正印揚化於一方者悅翁空谷在德
仲翁四人也門人如法茶毗收師真骨塔
于本山西隅號曰默靈

方廣開山無文禪師行狀終

附錄

遠江州浚奧山方廣寺法寶輪藏記

遠江方廣寺至德初無文選公居之選始
入大元國參古梅友公得旨而歸友嗣絕
學誠公誠示三關語驗學者立三種願勵
學者友公爲其真子而投記薊則選公所
得可知也於此說法僅夏七年以康應庚
午春三月二十二日書偈而逝學者惜之
其平生徒衆日盛檀施日增是故佛殿僧

堂浴室庖湏叢林所宜有悉備而經藏缺
然寺衆患其無所眎覽而比丘建閣聚善
書者寫先佛三藏之說庚寅歲書功已訖
而乃爲轉輪藏以置其經金碧莊嚴奪人
耳目輪藏之設乃剏梁傅翕太士者意欲
使其登藏門者皆摧破煩惱轉運菩提之
道耳其道也群生素有之意而諸佛所證
之理也或曰古人道大經本無文唐梵錯
繙譯是故開山祖師以無文印子一印印

定然則五千四十八卷果從何處而得來
哉曰言而足則終日言而盡道言而不足
則終日言而盡物足與不足存乎其人若
能於涵攝運行之間超然自得則道云乎
哉物云乎哉是則無文祖師所以垂示於
人也勉旃

應永己亥冬十一月朔

前天龍資聖禪寺住持比丘岐陽方秀
撰并篆題

無文禪師行狀跋

我 開山無文禪師行實諸傳所記年紀
 事蹟不能無異同故兒孫話及 開山行
 實則未嘗不嗟嘆矣陽舜秀公奮勇為之
 志欲會諸傳而按讎年紀異同訂正事蹟
 失實以便兒孫之通覽而累歲用志可謂
 勤矣 予 亦嘉盛舉縱使令果其志及既畢
 功附刻 開山語錄以行于世若其顛末

見秀公之自序聊題一言於卷尾以紀歲月云

戊申暮春穀日

與山東隱主

祖宗

謹跋



無文元選禪師行狀後序

無文禪師之行狀不知何人所撰蓋師
戢化之後取世之口碑編錄者也故記行
實履踐雖詳悉而至於地名年紀則不能
無乖誤寬文中我門有一超麟公者別
撰師行狀殺青行于世時以師本錄
未顯於世法語偈頌等傳之者鮮矣於是
麟公羸人闡增補其闕略然多非師之

本色於是同門諸老雖有刪訂之志以
本嶠數罹舞馬之變祖傳舊記悉歸灰燼
而失其本據不果其志予所請遠之龍潭
所祕藏之師本錄一卷拜閱之則如親
見師承其謦欬不亦幸哉然後試以兩
本行狀及近世僧史所立師傳而質諸
本錄則異同紕繆屢入闌增者判然見焉
嗚呼師嘉言芳躅晦蝕于後人之手誰
不爲之慨嘆於是予雖慙愚僨諸老之志
私執舊本訂亥豕辨異同地名年紀據他
書考定法語偈頌自本錄抄出而以補前
修疎漏焉今距師三百有餘歲而質其
行實則不據法語偈頌而覓出處建化之
迹將何以知其實耶此是編所以法語偈
頌過其半而與他祖行狀不同其體也斯
舉雖似不揣已知分而以幸先乎諸老得

其本據不顧僭踰訂正攷覈以復師之
本色而令人知實語真踐之大較矣其文
辭陋拙則俟後賢郢正云

享保十三年歲次戊申三月十三日

參州大野淵龍寺祖秀謹書



深輿山方廣寺藏版

明治二十八年七月一日印刷
明治二十八年七月三日出版

愛知縣西春日井郡
六御村大字大曾根上善戶
編輯印刷
兼發行者
矢野平兵衛

